



Rabu, 19 Juli 2023
Ogen: Amos 1:11-12



Rubat Ersenina



I bas pendidikan sekolah SMP, lit mata pelajaran Bahasa daerah. Roster pelajaran e teptep wari Sabtu dung kenca main-main pemena. Melala siswa si kurang ermediate nandangi pelajaran e, sabap tempa enggo biasa akapna. Tapi tupung isungkuni uga kin ersenina i bas kalak karo, la piga si beluh nurikensa. E maka alu saber, iulih guru ka nurikensa man siswa ndai. Nina guru e, lit piga-piga erti ersenina i bas kalak karo: sipemena, ersenina e sada nande sada bapa, lit hubungan dareh. Adi dilaki ras dilaki entah diberu ras diberu em ersenina. Tapi adi dilaki ras diberu e ikataken erturang. Sipeduaken, ersenina e adi bapanta entah nandeta erkaka-agi. Jadi kita pe ersenina rasa anak bapa tengah entah bapa tuanta. Ersenina sipemeran kita ras anak senina nade. Alu anjar-anjar ituriken, dungna siswa sekolah ndai enggo erpengangkan kerna ersenina.

I bas Pustaka pe lit isuratken kerna ersenina, bagi Esau ras Jakub. Duana ia anak Isak ras Ribka. Kesusuren Esau igelari Edom ras kesusuren Jakub igelari Israel. Alu bage bangsa Edom ras bangsa Israel e ersenina sembuyak bapa adi baba ku bas peradaten kalak karo. Bangsa Edom e bangsa si ringan i daerah gurun, bangsa si mbisa si cukup megegeh i bas erperang. Ikataken i bas renungenta maka bangsa enda la erngadi ngadi erbahan dosa. Iyak-ayakna seninana Israel alu pedang, la lit sitik pe mekuah atena. Perbahanenna e situhuna ngerehken pernembekh ate Dibata. Sabap pengajaran Dibata gelah kerina anak-anakna nggeluh sikeleng-kelengen. Uga nindu keleng ate man Dibata si la iidahndu adi seninandu si idahndu e pe ikernekenndu? Tuha merawa kal ate Dibata nandangi bangsa Edom, e maka isurakenNa lako engkernekenksa.

Rubat ersenina rugi pelin-pelin, kita pe la erteman, Dibata pe imbangta. Pusuh pe la dame, neraka ka inganta. Ula pebelin-belin perubaten ersenina, nggit surut gelah lit perdamen. Dibata masu-masu kalak si ersenina sada perarih. Icurcurkenna keriahen ras kemalemen ate.